

11

O tifenn gwir an Iliz  
 'Z eus bet tud eus hor bro;  
 Pell diouz lanneier Breiz  
 E kavjont ar maro.  
 Ni n'omp ket tud à vrezel,  
 Mes rei reomp aluzenn,  
 Hag o vont d'an Tad Santel  
 Hor' gwennegeg 'zo-laouen.

12

Astennit-ta ho tivreac'h  
 Azioc'h ar Frans, ho pro,  
 Deuit, Guerc'hez, parit en neac'h  
 Evel gwareg ar glao.  
 Ar gwareg-se 'ziskoueze  
 Ne vije mui dour-beurz,  
 Hag e tistro gras Doue  
 D'ar re a ziskouez keuz.

13

Salaun, war skourr e wezenn  
 Eyit kaout e vara,  
 Ne lavare ken pèdenn  
 Nemet : O Maria !...  
 Emaomp en Iliz Santel  
 Savet war bez ar foll,  
 Mari ! Ni deu d'ho kèrvel :  
 Mirit n'ez aimp da goll !

(Droits réservés)

IMPRIMATUR :

Quimper, 25 Août 1923.

A. COGNEAU, vic. gén.



# KANTIK

## PELERINED AR FOLGOAT

Diskan :

Patronez dous ar Folgoat,  
 Hor Mamm hag hon Itron,  
 An dour en hon daoulagad,  
 Ni ho ped a galon!  
 Harpit an Iliz santel!  
 Avel diroll a ra...  
 Tenn hag hir eo ar brezell!  
 Ar-peoc'h, ô Maria !

1

Eus an Arvor, ar gourre,  
 Ni deu d'ho saludi;  
 Holl ez omp ho pugale,  
 Holl ho karomp, Mari !  
 Tud ar gourré, Arvoriz,  
 Diredet omp hirio  
 Da bedi 'vid an Iliz,  
 Da bedi 'vid hor bro.

2

E Rom bag e kalz broïou  
 Eo gwasket an Iliz;  
 Peur-laeret eo he madou  
 Gand enebourien kriz,  
 Hirra ma c'heller gwelet,  
 Er mor zeuz tarziou gwenn  
 Bagig sant Per 'zo strinket  
 Eus eur garreg d'eben,

3

Mar doc'h Mamm ar Gristenien,  
 Ma karit an Iliz,  
 Hebdale deuit da zifenn  
 Ho pugaligou geiz.  
 Araok ez a o labour  
 Gant bugale Satan...  
 Mall eo d'eoc'h dont d'hor sikour  
 Ha d'hon tenna a boan.

4

Diouallit na lavarfe  
 An dud fall 'zo er bed :  
 Gwechall ez oa Mamm-Doue  
 Dous hag eas da garet ;  
 He diskouarn a oa tano,  
 Klevet a rea raktal,  
 Hirio ez eo pouner-gleo,  
 Outi eo red krial.

5

Nann, nann. Ol tavit pelloc'h  
 Rak Mari, tud difeiz,  
 Morse na d'eo bet tommoc'h  
 He c'haloun en he c'hreiz ;  
 Gwelet eo bet o lenva  
 War gern ar meneziou,  
 Bemdez emañ o paea  
 Hon dle gant he daelou.

6

Ar pastor hag an denved  
 O dezo eun ehan ;  
 An aour pa vez peur-garzet  
 A denner eus an tan.  
 Bremaik Jesus a roio  
 E dra da bep hini :  
 D'ar re fall poaniou garo,  
 Ar peoc'h da dud Mari.

7

Gant ho sikour, ô Mari,  
 Holl vugale Bro-C'hall  
 O deus gellet enebi,  
 Ken dispount ha leal ;  
 Gwelet hon deus o gened,  
 O nerz, o vaillantis.  
 Biken ne vo diskaret,  
 Merc'h hena an Ilis.

8

Patronez dous ar Folgoat,  
 Hor mamm hag hon Itron !  
 An dour en hon daoulagad  
 Ni ho ped a galon.  
 Diouallit an eneou,  
 Dichadenn eo Satan,  
 Selaouit hor pedennou  
 Pe hor bro vo d'ezan

9

Bras eo bet hor pec'hejou,  
 Dister hor pinijenn ;  
 Rak-se e dourn an Aotrou  
 E chom ar wialenn.  
 Red eo gounid hor barner  
 Pe diwada er pri,  
 Allaz ! n'hellomp hen ober  
 Nemet dreizoc'h, Mari !

10

Pell 'zo c'houi 'zo bet choazet  
 Evid hor rouanez ;  
 E neb bro n'ho peus kavet  
 Teneroc'h karantez ;  
 Tud fidel a vandennou  
 A deu d'ho kaout bep bloaz,  
 Ha war hent ho chapelioù  
 Ne jom eur yeotenn c'hlaç.